



# partii naleraq

Nuuk, novembarip 8-t 2017.

UKA 2017/33

**Inatsisartunut qinersisarnermi qinersiviit amerlanerulersinneqarnissaat anguniarlugu  
Inatsisartunut qinersisarnermi inatsisip allanngortinnissaa pillugu apeqquteqaat  
aallaavigalugu Inatsisartut oqallinnissaannik siunnersuut.**

(Inatsisartuni Siumup gruppe)

Siullermik oqallissaarisut Siumut inatsisartuni ilaasortaatitaat partii naleqqamiit qujaffiginiarpagut oqallissaarutaannut soqtiginaateqartumut, imatullu isummersueqataaffigalugu.

Inatsisartunut qinigaq uagut tungitsinniit tassaavoq nunarput tamakkiivillugu kiffartuussisussaalluni Inatsisartungortoq, tamannalu tunngavigilluinnarlugu uagutsinni maani issiaqataavugut, uagut taama isigaarput, aamma taamaattussaavoq.

Kikkut tamat oqartussaaqataanera soorunami nalilersortuaannarneqartussaavoq, ilaatigut aamma apeqqusorsorneqartarluni D'hondts'ip qinersereernerup kingorna agguaasseriaasia atorlugu qinikkanik ikkussuisarneq soorlu aamma ataatsimiititaliani aamma taamaattartoq. Isumarput malillugu sunaluunniit siunniussaq ajunngitsortaqarlunilu isornartortaqartarpoq, aamma massakkut nuna tamakkerlugu qinersisarneq nalilersorneqarsinnaavoq, taamaattorli uagut naliliinerput tunngavigalugu killiffitsinnut naapertuunnerpaajorpasilluni.

Tassami assersuutigalugu siunnersuutigineqartutuut inoqarfimmi qinigaasoq inoqarfik taanna kisiat sullisissavaa imaluunniit nunarput tamakkerlugu? Avannaaninggaaneersuuguni nunalerinermut tunngasunik aalajangersaaqataassava, killormuanilluunniit kujataaninggaaneersuuguni avannaani qilaluarniartarneq pillugu aalajangersaaqataasassua? Sorpassuit apeqqutit qaffakaalertussaapput massakkut apeqquserneqartariaqanngitsut. Massakkummi sumiuussuseqarnata naligiilluta sassartarpugut nuna tamaat sullikkumallugu. Assersuutissaqqippoq Inatsisartunut ilaasortaatitaqartoqarmat nunaqarfimminngaanneersuusunik 100-t ataatigaatsiarlugit inulinni, taa-makkaluartoq qinigaanerit akornaniittarput.

Aamma kommuunimut qinersisarnermut agguataarineq taakkununnga tunngavoq, soorlu aamma naapertuttoq nuna tamakkerlugu Inatsisartuugatta nunarput tamakkerlugu qinersivittut ataasiusoq.



# partii naleraq

Taamaattumik uagut isumaqarpugut massakkut qinerseriaaserput naapertuunnerpaajusoq killiffitsinnut naleqqiullugu, tamatta qinigaavugut nunarput tamaat kiffartuitissallugu uagullu tamanna apeqquserusunngilarput massakkuugallartoq.

Qujanaq

Per Rosing-Petersen